

TAYEFSEKNAWALT TAMAZRAYT

1. Tabadut

Tayefseknawalt tamazrayt d azraw n yisegzawalen (ifuras n tseknawalt) deg wayen yerzan amezruy. Amezruy-a ur yerzi ara ifuras iqdimen kan, zemren dayen ad d-ddun yifuras imiranen/imaynuten.

« [...] la métalexigraphie historique [...] doit s'entendre comme l'étude métalexigraphique de produits historiques, ce qui englobe aussi la production récente ou contemporaine) est un type d'étude « appliquée » (et « orientée »). »

Ad nefhem da dakken tayefseknawalt tusnist « appliquée » yuyden « orienté » i d-nebder iwsawen d tayefseknawalt tamazrayt.

Ihi, tayefseknawalt tarallit (tarakudt) ; seg tama, d azraw n tarrayin iyef tbedd tseknawalt (d timuyliwin yef tarrayin-a, asenqed-nsent d usumer n yiberdan-nniđen) ; seg tama-nniđen, d askan n yiberdan ilaqen ad ten-tawi tyefseknawalt tamazrayt : d asebbet n tarrayin ara teđfer deg leqdic-ines. Ma d tayefseknawalt tamazrayt d azraw n yisegzawalen deg umezruy.

2. Ayen tzerrew

Tayefseknawalt tamazrayt llan deg-s sin n yiberdan : abrid n tsemlilt (« *orientation synthétique* »), d ubrid n tesleđt (« *orientation analytique* »).

2.1. Abrid n tsemlilt

D abrid yerzan srid amezruy n tseknawalt d tesnawalt s umata. D ayen yerzan amezruy n yisegzawalen, tayda-ya tekkat ad d-tesken adeg n yisegzawalen deg umezruy n tesnilest s umata.

2.2. Abrid n tesleđt

D abrid yerzan tasleđt n umezruy. Da, amnadi yetteg tasleđt i yiferdisen n usegzawal akken ad izer amek i yettwasemres d wamek yettwasleđ yal yiwen seg-sen. Deg tayda-ya, amnadi yettak azal i temsal-a :

- *amawal deg yisegzawalen* :

- ma d amawal n yiwet n tutlayt ney ugar,
- asemres n tefyar (ama deg temsukt tameqqrant ama deg temsukt tamezyant),
- asemres n yismawen (n yimukan, n yimdanen, n yiwersiwen, n yimyan),
- asemgired gar usegzawal d tkussna.
- ***udem n temsukt tameqqrant (tyessa n tkecmin) :***
 - asismel n tkecmin (ilmend n agemmay/n uzar/ilmend n usentel, ...)
 - tawsit n usegzawal (d bu yiwet n tutlayt/d bu snat n tutlayin/d bu krad n tutlayin ; d asegzawal amatu/d asegzawal uzzig, ...)
- ***udem n temsukt tamezzyant (n tyessa n yisallen) :***
 - anadi yef wamek yeddes umagrad,
 - anadi yef yisallen yellan deg-s d wamek mseɗfaren.
 - anadi yef wamek i d-yettwaglem umawal.
- ***azal amezruyan n yisegzawalen :***
 - anta tutlayt i yellan deg usegzawal (ma d tutlayt n tallit tamirant ney tella dayen tutlayt taqdimt ama d talyiwin-ines ama d inumak-ines)
 - ma yettak-d usegzawal tadra n wawal kan, ney yettak-d amezruy-ines (meḥsub abeddel seg tallit yer tayed deg talya d unamek)
- ***azraw n iybula i yessemres umseknawal :***
 - asemres n umedyata deg usegzawal (ma yebder-d iybula n yimediyaten, ma yessemres imedyaten yerzan yiwet n temnaɗt, n yiwet n tallit, n yiwen n ugraw anmetti, ...)
 - anadi yef txutert¹ i seɛn yimediyaten deg usegzawal iyef temmug tezrawt, ...

¹ Tixutert : *l'importance.*

Akken i d-nenna iwsawen, aħric ameqqran deg tamsirt-a d ayen i d-newwi seg umagrad n Petrequin d Swiggers (zər Tiybula). D amahil amenzu i ierden ad yessezri² tayefseknawalt, d azwir kan yer tyefseknawalt s wudem azrayan. Maca, yas akken wezzil umagrad-a yesken-d iberdan ihrawanen ara defren yimnadiyen deg unnar-a amaynut sya dasawen.

² Sezri : *théoriser*.